


**Yesux Pai
Bun Saux pa Lih Nham mai
Kawn Bun Ya I Rux**



Lukax 8:40-56

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)

Puag Pua Pa Koe Plak Khaix

Krax Pa Nih Nai Krai Lao Tau


Sax kin saux maix lie? Yam kin saux maix, miex maix priex yuh ka mawx ka maix?

Jhawm saux pa ang pui rhawm dex mai mawh jhawm saux ceu pa tix? (lox tiag, jhawm saux ngiex ngoi, jhawm saux pa lih ti koe ka piang hak khankix). Sax caw maix jhawm saux ceu in kix tix ceu ceu lie?


Kadaux been in ex tag sang yaox grawng pui ra kaux, pa hoek ka Yesux. Pui in kiex ra kaux koe krax sivix pa kied kin, pa ang pui lai chix teem ka kiex.

Kadaux been in ex tag sang yaox grawng pa ting ceu krax yum rhawm ex ka Yesux.


Pui in kiex kheu ting krax yum rhawm, Yesux teem ka kiex heue.



⁴⁰ Yam deeh ing Yesux, cub pui hun khankix
rieb Nawn Cao, kheu kix khawmuik krox jun ka
Nawn heue.




⁴¹ Jhak heue, pui tix kaux pa kaux Ya i rux,
pa mawh pui giex kaing nyiex sidiex tix kaux,
hoek mai krub dex caong Yesux mai khyox khaw
nhie Nawh Cao hoek ka nyiex tix heue. ⁴² Mawh
kheu kawn bun nawh pa koe ngie tix kaux
khaing, pa dex koe ju kao ra num, it mai dex
sang yum heue.



Yam hu Nawh Cao cub pui hun khankix nyheen ka Nawh heue.⁴³ Bun tix kaux pa hoik koe jhawm saux pa lih nham kao ra num, pa hoik uik cai can pa koe nawh khawmuik, ka pui chix sidah khankix, viang mawh nan, ang vai ceeix kawx,



⁴⁴ hoek plak khaix Nawh mai teeh caong
kraung ceep Nawh mai jhawm saux pa lih nham
nawh, hit dom mawx dom an heue.




⁴⁵ Yesux ah nin, “Mawx pa teeh ka Aux?”
Yam thiang pui grawng an khawmuik, Petrux
mai kix pa ot tau mai Nawh khankix, ah nin,
“Simiang eue, cub pui hun khankix nyheen ka
Maix, tom uik tip, Maix lai kawn chawk mawx
pa teeh ka Aux lie?”




⁴⁶ Yesux baox ah nin, “Pui hoik teeh ka Aux tix kaux kaux, Aux tawng kheu hoik lih sibrawm khaing Aux heue.” ⁴⁷ Yam tawng bun an grawng ang nawh pon ti mox tix, nawh siyaung mai hoek ti krub sivoe Nawh Cao,



sivoe pui khawmuik, naws krai mawh kheu
grawng patix, naws hoik teeh ka Naws Cao
mai grawng hoik moi tix dom mawx dom an
heue.⁴⁸ Naws Cao ah nin ka naws, “Kawn bun
Aux eue, krax yum rhawm maix hoik kieh maix
moi, hu mhawm mhawm awx.”



⁴⁹ Yam kawn sikah Nawh Cao, pui tix kaux hoek khaing nyiex pui giex kaing nyiex sidiex ah nin, “Kawn bun maix hoik yum heue. Paw baox lamlheut ka Sara Cao Gau heue.” ⁵⁰ Viang mawh nan, yam mhong Yesux lox an, Nawh Cao ah nin, “Paw vi lhat yum rhawm khaing heue. Nawh tak sang deeh mhawm.”



⁵¹ Yam hoek Nawh Cao ka nyiex an, Nawh ang kieh pui tix kaux kawx laig tau mai tix, lheu khaing Petrux, Yohan, Yakop mai miex keeing nyawm bun an khaing heue. ⁵² Pui khawmuik yiiem riag yo, son nyawm bun an, viang mawh nan, Nawh Cao ah nin ka kix, “Paw yiiem, mawh kheu bun in ang yum, mawh ngie laig it nawh khaing.”



⁵³ Kix nieb yuh pa ang nab yam nyiah ka Nawn Cao, kheu tawng kix bun an hoik yum heue. ⁵⁴ Viang mawh nan Nawn Cao teei taix kawn bun an mai kok ah nin, “Kawn nyawm bun eue, kaoh heue.”



⁵⁵ Khuan nighth deeh hoek mai kawn bun
an kaoh dom mawx dom an. Nighth Cao nhie
kix tawx pa ih tix ceu ceu ka nighth heue.



⁵⁶ Miex keeing nawh kied daox deng kah heue. Nawh Cao tawm kiex, son ang sang krai grawng pa hoik yuh an, ka pui tix kaux kawx heue.

k. Deeh Thawk Theng

1. Mawh pui mawx pa hoek krub dex caong Yesux son sang rawg krax teem. Pui an rawg krax teem ceu pa tix?
2. Mawh kheu jao pa tix bun lih nham hoek ti teeh ka caong kraung ceep Yesux?
3. Khaix hoik krai bun an mawh tix pa hoek teeh ka caong kraung ceep Yesux, Yesux ah pa tix ka bun an?
4. Khaix hoik mhong grawng yum kawn bun Ya I rux, Yesux ah pa tix ka Ya I Rux?
5. Yesux tawx pui mawx laig mai Tix ka daux nyiex Ya I Rux?
6. Yesux ah pa tix ka pui pa yiiem riag yo ka daux nyiex Ya I Rux?
7. Son sang deeh im kawn nyawm bon an Yesux huh pa tix?
8. Khaix hoik deeh im kawn nyawm bon an, Yesux nhie miex kheeing nawh huh pa tix?

kh. Krax Pa Doh Rhawm Ka Been

1. Maix keud mawh kheu jao pa tix bun lih nham an ang rawg krax teem ka Yesux, briex ngie tix hu teeh ka caong kraung ceep Nawh?
2. Maix keud mawh kheu jao pa tix Yesux ang ploi bun an hu khawm ang sikah mai nawh?
3. Viang Ya I Rux hoik mhong satang yum kawn bon tix kawx, Yesux kawn nhie nawh koe krax yum rhawm. Maix keud mawh jao pa tix Yesux ah huh nin?
4. Maix keud huh ka mawx ka grawng ah Yesux ka pui khankix daux nyiex Ya I Rux, “Paw yiiem, mawh kheu bun in ang yum, mawh ngie laig it nawh khaing.”?

G.Krax Pa Deeh Shiao Daux Ju Tix

1. Sax grai krax keud pot jun pot maix awm bun lih nhawm mai Ya I Rux lie? Been in kieh ex koe krax keud pot jun pot yuh ka mawx?
2. Koe grawng pa kaig krai maix ka Yesux tix ceu ceu lie? Ex yaox Yesux koe rhawm yuh ka mawx ka daux been in?
3. Ex pui pa yum rhawm sang chix teem ka pui koe krax sivix mai ka pui pa yaox ti kham pa tik vud pui yuh ka mawx?

Ng. Ceu pa Rieb Gau Ex Khaing Been In

1. Yesux ang chix iak jhak ka pui.
2. Yesux simie ex koe krax yum rhawm grawng pa chix teem Nawh ku ceu ka daux ju ex.
3. Yesux koe sibrawm ti pai pui saux mai chix kieh pui yum deeh im.
4. Lheu khaing in kawn pon ti rieb gau ceu pa tix? Kawn koe lox chawk ceu pa tix? Kawn koe lox chawk maix tix ceu ceu lie?

Baux Lai Pa Caw Ti Ci

Lukax 8:48 Nawh Cao ah nin ka nawh, “Kawn bun Aux eue, krax yum rhawm maix hoik kieh maix moi, hu mhawm mhawm awx.”